

白
華
前
稿

白華前稿卷第五十

南匯 吳省欽 沖之

古今體詩學舍後集一

予以壬辰臘使蜀甲午冬當受代去奉

命特畱前後號稱兩任而編詩未遽以分昨入峩眉別
成一集則此後所作以學舍仍之抑不可不少別
之曰後集者後於前之學舍云爾

敍州七夕

龍雨纔收熟稻天朱提城堞夕霞穿遠投夔口濤傾屋
新載峩眉月滿船度世金鍼終縹渺平巒銅鼓最紛闐

煎茶況味親嘗久不要流杯作

去綺筵

答泉之間川馬

朝貶羸車浪輞紅殷勤短札訊花駿旄驥萬里經行久
不見驪黃逐隊空

兩屐尋山去齒頻箚與無路碧嶙峋短衣小試巴賓產
未算西南叱馭人

飛龍內廄借須還聽鼓應官曉漏慳相去到風蹄攢四
點華林校勘讓君姻

虞阪長鳴淚未收勸憑呼馬更呼牛文淵慷慨吾何有
款段同騎約少游

重題鬱姑臺

嘉州落都山久載景純識隋將氏鬱姑鑿開變洪浸鄰
封指僰侯百里帶襟衽一峯號師來有臺瞭祥祲傳聞
鬱姑仙玉液此畱飲我昔題惡詩欲辨口猶噤隋將宋
則仙華胄豈遙蔭抑聞虔境山長公發幽吟鬱姑卽賀
蘭
贛州鬱孤臺名勝志一名賀蘭山
官氏魏所任祿姓孤有五

見廣韻註

孤特涇沈孤也沿作姑耳食誤斯甚豈其重甲振而爲

六銖紅壺觴遊客攜唾涕道童禁臨覽日未斜石闌睨

相枕

瀘州書院祀魏鶴山魏嘗兩領州事也院外遠

山隔江了了山長楊進士鶴然卓以山無主
名屬予名之曰少鶴爲詩紀之

昔我憩

邱華父

奉香齋

西望白鶴山

浦江隔河漢

低徊樓上頭桑主闔朱案驚蛇與飛鳥三字

揭青翰

邱州

試院

榜魏分書雲吟山三字竭來江維交遺愛訪書院治改祠亦遷爲

讀史所贊釐然興教養餘力逮守戰所疑理學儒宗支

昧條貫既涉舊人嫌本異張祿竄因循冒他姓茲獄待

誰斷謗騰僞君子時事足三歎與君坐論古矯首笑舉

幔九闈列階前一江抱城畔遠峯無主名改題戒誣調

少岷緣大岷詎必接厓棧如人族望同千里可謁讚當

公領郡年山色爲公獻及我按郡時山名自我不喚得名
不在仙薄采谿毛奠應有縞衣人踰下沙淤

奎星閣觀漲

漢家城闕鎮飛瀧沙鳥風帆上八廳拔地櫛臺聯北斗
報晴鐘鼓冠南邦卻思聽雨喧前夜及記觀瀟泥浦江
檢點青蓑醉乘興烟波千里一漁石

可垣刺史招同渟江明府雨中渡江入寶蓮庵
將登北巖不果

五峯何嬋媛幽訪急呼渡投鞭會澤門毛雨塞烟渚截
流打雙槳一折九廻顧餘甘千萬頭風物渺非故市密

炊火生橋橫礪泉吐豈知百步間遂與祇林遇斷垣圍
禾麻連磴亞竹樹迢迢鐘梵音幼眇更何處山居悅爽
墮何然滄蒼霧苔痕上石墀覓響下沙路殘碑記捨宅
妙蓮適來輸雖無王少文裴休跡其庶邦君出戎馬自
笑問津誤而我汗漫期亦被雨師妬逝將招隱心桂下
飽風露漁唱起江邨言歸逐飛鷺

屠笏巖同年自演浮家過瀘河垣訂同遊集一

如畫山城瞰落帆匆匆走馬叩門監薄攜洱海團雲種
同試瀘陽滴乳巖遠道風華生夜簷當時文酒涴春衫
江南一唱千金直可有琵琶採玉纖

師門一昨敵春筵我向西川子向滇輶使慣催行按部
銅官穩載去朝天共看羈宦成游宦卻喚同年作少年
觸迕東南賢地主使君巖畔屐痕偏

合江追和阮亭尚書西涼神祠曲

少岷青峭削三峯隋代真人石匱封卻數略陽氏破虜
靈祠喧打五更鐘

玉門持節下姑臧能賦龜茲志慨慷一等枋頭光夜起
斷堤人指黑龍藏

麟嘉宮闕莽秋烟醞酒江城事偶然我不識神神識我
帝車曾侍七星天今文昌神或以當化身爲呂光

靜總戎圈中乳虎

於菟脫乳小於狗抱狗來窺狗跳走磨牙澤吻天性成
一窮腥風怒張口噬獸猶可行噬人直攔幽檻囚使馴
獵奴擇肉餕朝暮彼食不飽非吾仁人言養虎自遺患
義虎卻能報恩怨總戎絡臂痛穿礮試齒仇頭帳前獻
慎勿搖尾工乞憐廣場一看邀一錢畫輶霜淨百蟲避
更勿輕假童牛權

潘訓導

元音

遺綦江石龜

綦市兩頭龜矜重邁六日而何山骨凝外骨內無肉是
山名猫居居民倚平麓夏秋龍雨多崩石亂填谷揆尋

辨光氣如玉孕良璞剖以金錯刀蘭栗滾珠瑤穹脊兼
蛇頭廣肩竝鼈足一盂井華水靜夜付淘漉亭午拭令
乾一撮布嘉穀如是經七年易象筮來復宛然行息軀
靈出介蟲族豈足憲否臧要遣祝融伏司訓相惠存物
理究涵育何聞元緒呼何向余且告何負綠圖獻何託
芳芩宿雨翔何韻頑金糞何禿速涪何雙魚沈峽何一
蟆蹙何頭懸高柳何癢綴枯木大鈎抉軋多悉數彈更
僕休爲牀腳支姑取硯坳蓄縣窮民力頓此或資販鬻
慎勿紛銜奇聲價抗蘄緣

校射晚歸

十八梯頭簇細旃揚葭歸院路相連塵生錦埒須沾雨
風送牙旗忽動烟顧免自闕弓影挂餓鴟翻學箭聲傳
萬家星火高城迥誰氾輕舠水上天

求川松化石屏

草堂崕巒龍作鱗畫屏如水空點塵來蘇鎮前致方物
霹靂寸寸燒因輪膜粗理細恣摩玩巧匠程材琢花片
余曲寧論繡錦張浮思豈待鏐金鍊有屏如此屏卽山
一毛一粒春斑斑倚時想像濤聲涌瞿後依稀雲氣還
蒼鬚老公幻兒戲孕珀儲苓祇餘事後彫人識古松心
不轉我懷貞石義蕭郎意賞松石同萬年松化吟杜公

萬年松化卻防夜半化松去掩屏勿令當長風

石杜句

出銅鑑峽

江漲乘秋霖百灘挂飛練鼓枻娛遠情坡樹綴餘音
窮江亦窮厓勢陡中變波臣出奇力十畝弄圓漩遠吞
估客舟誤投介一綫始如風毛旋繼若井榔龕欲下反
上行及下激於箭前朝平蜀計分道攻戰將軍船翼
樓降王車走傳此間銜璧地往轍縱懷緬遠聽阿那歌

芳尊動流戀

木洞得泉之信

峽斷風無定孤舟下水難山圍巴郡外人出楚雲端猿

語傳清怨魚書戒蚤寒分明佩萸節獨自傍烏蠻

曉泊長壽

日上丹臺迴江皋遲建城道衝人戶遠秋漲縣橋平橘
柚懸金重鳧鷺泛雪輕草除遺老地畱弔雪庵名

涪州阻水

外水送孤蓬又流下武隆魚沈萱草綠驛斷荔枝紅山
色圓杯底灘聲汨枕中碧雲亭徙倚莫遣月朦朧

涪州北巖注易洞

江橈赴巖翠橈動巖亦動螺旋附危級衰草翠其空三
休入孤院傾耳辨弦誦有懷風教存右折訪厓洞山寒

地堅凌宿涔慘凝凍滑澗循坡陀打面雨飛送舉頭見
水簾簾底日穿縫始知置身處虛堂覆帷帳壞藤絡虬
龍老樹翥鸞鳳畱題半磨滅姓名孰珍重講筵赴編管
濟惡語堪痛闢堂注周易奧義揭塵夢石牀坐生徒造
次古禮用爾時川黨賢應悔市爭闢堂成歲三稔涪翁
適過從壁窠榜鉤深陳義等善頌自爲夷陵徙漸作講
堂供述削名愈高吾學著前統彼哉王真人煉氣習騰
狽覽古心激昂幽幽礪禽哢

羣豬灘

白蹢蒸涉波夜漲高數仞膨脹伏波底聚族肆砰礴爲

猿爲艾，瑕睢盱。競觀釁，磨牙吞客舟。立啼作霆震，歎涌白浪花。漩渦列圓陣，非無舵與篙。激裂斷寸寸，一起勢一落。魚腹葬同殉，連朝苦札水。格豚恃忠信，擬操屠伯力。肯綮恣排擯，長年啓利涉。趨避貴精慎，千指尋一漕。整暇如臥鎮，汽濟色死灰。秋風老霜鬢。

蔡新懦太守以今春三月別予錦城言將山棧

歸浙頃予按渝事藏意外相聚知以阻水滯畱竝出紙乞爲巴船出峽詩而虛其左以待

畫率題歸之

太守守閩州，軍興閱三載。請命爲部民，豈特樹風采。昨

歲官竟休矣驢厓碑寫將出棧圖屢卜期屢改改卜
向嘉陵努力片帆買行行抵巴郡病孫坐湔灑毒暑浮
瘴烟漲水浩溟澥因循過中秋按部予亦乃撒扇及佩
萸意外接談頃有如雨葉萍適復會滄海抽帆到岸身
慎勿慮寒餒軍儲關度支吏職戒遷贈錦銖手未沾肩
項得輕擺攜家上五版吾舌代耕在峽景天下稀丹翠
不可浼駁駮黃牛踴砲皴蒼蠻瘡神女峯便娟禹王宮
羣鬼孫劉戰壘荒屈宋騷心解清夜聞竹枝哀緩和聲
每一詫穿夔巫州亭共樂愷老年必辭蜀諺語信非絲

吳諺少不入廣老不入川圖此歸東吳抗迹寄壺櫨湖天十錦船左

手正持蟹青楓散漫吟黃菊頻頻採物情嗜奇遠披曬
幸無駭媿非淵穎才泚筆豫留待

聞官軍克勒烏圍

牛酒作去中秋懸巢命果休白雲聯角戍紅燼斷經樓
上苑傳旗去前庭卷甲收遙知天象炯今夜落旄頭

平都憩二仙閣瞰五雲洞還坐巖上觀大江

江岸夾衆山延亘臥蠶簇山泥爛金紫日射眩雙目一
峯稍離立猗儻蔽雲木矯然鸞翠翔滿縣滴蛾綠橫舟
西郭門好景溷凡俗湫隘穿人烟靜便跋蹠躅悠悠通
仙橋斷水尚盈掬連蜷蘚黃葛扶幹大如屋楓檜搖寒

風愈陡徑逾曲牀宮千百間高下點巖陞仙家日月長
例許覆基局游息同世人何必離血肉何年浮屠教附
會說陰獄揭鉢圖綈髮回輪狀胎殼面以鬼伯場而爲
福地尋請觀五雲洞洞底肖空腹投炬照光明決起數
蟠螭前山奔青牛後山叫白鹿巴江動吾前吾或濯吾
足終期尋玉碑蒼茫剝苔讀

舟中得唐氏妹書示蔭夫

水程論萬那論千錦字傳來隔判年笑指沙哥碧幢影
不攜崔婆向東川

衰門骨肉早伶俜養長達愴過庭解道生男勝生女

東風長埽墓田青

啜啜清猿淚溼衣巴船無計送東歸蘇程兄弟分張久
玉鏡臺前爲解鬪

羊渡

灘過漿雙橫灘來灘一迎亂山蒼霧重古渡白沙平分
碓農擔穀連場客敗橙不嫌霜候冷葉脫寺樓明

曉登忠州城樓

畫角烏烏遙曙氛高城寒枕大江瀆徑流草露濃於雨
屋起柴烟凍卽雲一代楚臣偃瓊佩幾時巴女會羅裙
悲秋不盡登臨感冷狹疎鴻昨夜聞

引藤

藤大如指長不二尺中空可吸酒見香山詩今忠人以雞糰治釀釀成置藤其小吸

之謂之咂酒與點酒所釀小異

巴人酒熟糟滿器山蕎畲粟皆酒兵醞無香米漬無葛
罌口翹插尺六之枯藤心空節少肌理滑且咂且灌波
元冥水力入酒酒力出四座傳吸如長鯨吞鸚酸號杓
鶴如何物敢抗蒼犀精古之釀法創儀狄咂酒比擅花
苗能獫犧洞狔競跳舞羹肴不乃笙蘆笙方州密邇五
谿洞碧筍雅飲寒夙盟此藤弱小劣於管黃心膩鑑名
相傾醉吟先生聚賓從巴王臺下歌喉鳴爾時斗價直
三百信手引醉魂胥騰後來習尚化醡薄不論臍膈安

鑪鎧不喰不喟不呀呷始酒徒笑冠絕纓世間醒草種
不乏底事媚醉抽纖莖天台藤杖劄藤紙道從汙降從
隆升士夫嘉會待行禮亡禮爲禮吾斯輕藤乎藤乎爾
勿狃猶助狂藥萬一下令斬刈資刀耕

使署學坡雜題

涪陵東去急奔洪禹廟巴臺氣象雄笑向白詩畱轉語
一州豈止一郵同

百濮三巴徼路長懷忠懷信細詳量要知蔓子存城意
便是廬陵節義鄉

門塗廳事聳棱棱陸航高張櫂試憑幾點輕帆幾沙鳥

屏風祇在翠微層

三楹如斗枕盤陀黃土圍牆長碧蘿賓佐無多花柳晚
不妨借我作東坡

林禽葉爛木蓮傾歌女蕭寥醉未成惟有斷谿橋下瀉
夜涼遙和玉鏘鳴

廿年石砫土歸流千里瞿塘泝下游安得青袍過羊渡
春糧集試在方州

霽後登屏風山歷禹廟觀音洞憩陸宣公祠墓
月額雨竟休高見漲痕落曹事告一空喜出南賓郭西
谿絕神谿沙面蓋山腳石闕兩蔽虧木杪倬寒鵠殿瓦

祠妃王碑碣無可拓拜罷尋故谿積淖汚秋籜茫茫江
勢來奮欲撼厓崿崎滑汰間無計歇芒屨當時玉虛
觀結構問焉託雲根豁雙洞窖水深未涸外爲雙闔呀
內比一池鑿向南數十步內相實井椁墓前結孤亭墓
上蔭老柞墓遷觀久廢觀豈墓相若霜清狐鼠寒百丈
下鵠鶴覽古鬱心胸淒風起巖壑

禹廟

禹力無不到遠江人更神元圭君象儼金鼎物華新暮
峽讚牛合秋灘白鳥親茫茫傳一宿乘載祇艱辛

陸宣公墓

吳郡傳歸葬榛叢此重板如閭白麻詔長掩翠屏山截
難危疑地懷忠要眇間巴東禍寇相相望淚濤漫

屈原塔外霧濛濛上水危檣下水鯉直爲鱗魚謀斗酒
黃華江口白蘋風

石寶

此石若有壁陡立山上表廣數畝絕不載土其僧寺第三重相傳有石竇日溢水米

供一僧飲食或繫寶使廣其源遂絕

峽轉江曠如土坡稍逆行中央森鐵梭四面絕陁峴斗
然畫方郢一髮挂斑蘚僧居無所緣累構歷九轉有如
負殼蝸亦若上山繭厥頂寬數弓場磚不容碾三重青

豆房因石告除翦石竇涓細流利用勝雲覓未煩洞酌
勞功德證非淺時以齊益承溢米出精選俾佐香積尉
一僧飢可免貧夫運圓鑿脈斷物遞珍長年指點處圖
經失披展欲從遺老問此理待昭闡牧犧墟岸行沽魚
渚沙踐望望夕霞西花林恣回繩

得晴沙書御寄

青女霜遲遠漲漫美人無計報琅玕十年歸夢吳江冷
一世雄心蜀道難讀律有才空骯髒諭詩何味寄鹹酸
鑾坡訛蕩鷗波廣望斷尊話夜闌

題璞函少華舊刻詩卷感寄王述庵耳山璞堂

幾載青林夢故人一編風雅坐相親鯨魚絕海若栖翠
欲繡平原趙勝身

張也堂堂世亦傳苗而不秀豈非天蛟螭蝶虯尋常有
斗酒公然倒廿篇

香火隨肩我後生

二君皆長予六歲

一官慚愧佛先成十圍絳

帳三通鼓忍對巴猿月下聲

吾鄉二陸俊非常各賦凌雲動九闕僥幸詩成在湖海

歸然君是魯靈光

吾邑及青浦二十年來以奏賦授中書者達庵與余以丁丑璞函耳山以

壬午少華以乙酉而璞完則以癸巳賜舉人湖海詩傳述庵撰

補鍋篇

補鍋匠不知姓里往來重夔間每宿僧寺有學者令負擔從不求值後學者至

卽令先者去得錢輒飲時葵州有馮翁以童子師自給自稱馬二子或馬公一日與遇相

愕已而相

哭卒坐山中語竟日屏人不得聞

惟聞此後當永訣不可復見時求樂甲申乙

酉間也後皆

莫知所終

川東老兒貌奇古半肩兩膝鍋善補夢廻玉座與金川

跡徧渝州及夔府閣黎鐘畔版牀懸良冶爲襄家失傳

計艇卻教擔簯代得錢祇愛過爐捐成王立政衰非關

錯鑄六州變倉猝旒冕驚連朱焰升鉢衣浪說緇流謁

哀哀盈庭器斗筲等閒覆餗陷凶爻登山要采蕨薇飽

照水猶連瓜蔓抄湯鑊如節事何益潦倒麻韁絕行迹

返巒無計葺羊牢顧甞有人護豚柵爐鞴垂垂凝望睞

蒼茫列鼎舊身家
仗骨鼓刀淵塵市
隱心磨鏡寄生涯
雷公擊橐雨師灑
破金擎回露光采
鍊石徒看北斗橫
缺甌孰念南都改
猶有高寒馬二翁
強擇章句啓童蒙
相逢驟作鶴啼月
相別還成牛走風
此事羣傳耀圖羿
歲在乞漿城白帝
四載紀元革令從
兩朝食德宗稱惠
因端紛臂罪勝誅
劫盡灰銷血淚枯
太平麥飯尋常滿
肯向長陵薦一盂

峽中聞鶴鳩

一種猿聲外
聲聲勸客歸
春風湘草綠
底向峽雲飛

宿壤塗

算築荒江起人烟
昵夕餐月波沈野渡
水信漫湖灘郵酌親雙檠谿漁自一竿掩蓬畱宿火無數鶴聲寒

湖灘

名勝記萬縣南江中有湖灘四川志夏秋灘漲如湖故名湖灘

湖陂寬以平灘險迴非類一漲灘遂空豈解命名義石形肖愁胡牽綴自圖記我疑疏鑿初磊落大星墜年深淘惡浪骨理盡枯腕僵臥爭一亹立腳轉寥邃連連大小灘習坎動危湍臨州抵萬州動謂席平地紅船標救生坐對墮涓淚翻漾上灘船沿緣險能避

萬縣

城惟東西南三門

一縣魚泉利高城欠北門西山空別業南浦故銷魂畫

旅衝歧路冬僉偏燒痕蛾眉露江橫雞卜欲何言

岑公洞

岑仙夫豈仙高尚志悲遯朝堂政昏皋州野力疲頓江
泉嵐翠蒸一邱擇旌敦不投龍門策要遂丹鼎願閉關
頤太和年壽獲長曼有如避秦人采芝脫塵澗慢亭桃
花源異代可同論彌節尋洞天緣蔬被畦暖林碑揭清
境泉響汨沙堰角巾招晝寒厓氣薰蒼健太陽墮四阿
厚地撤重棟廣輪數十步未礙大旗建正中鍾乳垂狀
似馬肝獻道裝謐虛鑒爲供胡麻飯後壁銅石牀神檠
凍猶散來游徵宋賢解駁偶完寸急風埽爛莓淨土竄

飛鼯洞頂田足耕井井若下漢循欄西復東心手眩掌
挽酌公公盍歸鶴語訴清怨

雲陽

城影石城山名邊江枯一折圓五峯當縣闢萬戶入莊田
封邑扶嘉遠靈祠益德專杜鵑寒不到春盡莫停船

鳳巖觀瀑布憩張桓侯廟閣

輕舟犯龍脊迤坦就沙步仰面見廟門膽落震霆怒玉
龍下九天牙角盡傾赴十重懸水簾三折縱瀑布窪然
池一泓一吞勢旋吐併力朝廣源真宰焉可訴是時法
鼓聞萬口飽神胙半空插闌楯陰火暗蘭炷熊羆不二

心漢業限天數聲靈炳來葉戰伐奮前路大江流泯泯
憑弔日忘暮作碑寓嘆詞彼哉曾子固

放猿

草閣高面山寒影入虛闊稍聞跳擲聲謂是短童戲闌
胞得善授爲物黠而慧銀鐺孰繁頸玉環孰留臂果園
乞棗栗瑣屑耐供餉不誇解語能不闡接未祕惟願檐
月升噭噭激清吹吁嗟山野心吟歎出無意繁之仍試
之安得盡其技急呼縱使歸木處老巖翠此獸寧足奇
雖奇吾弗貴他年過幡冢卻望野賓至長享巴酉封休
下巴東淚

卷下
二
峽次觀晚霞

癡雲如蓋雨如鍼津鼓鼙鼙畫易勿沈玳瑁半天天又晚
一重紅淺一重深

孔翠船蓬遲宿緣翦來西錦照東川昏鴉宿驚驚飛遠
此是酸寒富貴天

餘綺低翻匹練明赤城一語勝宣城祇愁小李將軍見
三峽樓臺畫不成

白華前稿卷第五十一

南澨 吳省欽 沖之

古今體詩學舍後集二

晚登夔府東城樓同秋塘作

高樓仄徑葉紛紛笑櫛茸裘。昵共君夔子山川收返照。
魚人聚落對行雲飛騰。豈謂也天數竊據何堪策帝勳。
下上瞿塘平似掌得歸應喜。斷猿聞。

曉坐望白鹽山雲氣寄晴沙

一雲出山旋蔽山。山風一飄雲一還。有時吹送各天去。
天空山定雲閒閒。上山白日下山雨。愛山愛就白雲語。

赤岬無情草不萌苦向白鹽分爾汝山雲對我意殷勤
如輦如困高下紛連峯十二天然好笑謝巫雲是楚雲

越門太守送葡萄桃酒鮀魚

馬乳垂檐遶夢頻雙旛釀就喜相親知君心厭涼州守
也把蒲桃酒讓人太守時已乞休

魚復江邊水氣騰吹沙張口墨魚會分明小雅詩人義
欲上高臺注未能鮀本名鰐

官非吏部能傾甕室有山妻笑上竿擬割半箇作去酬

報不如勸駕就壺餐

次韻答秋塘食鮀

鯀鮀鮮且腴名隸雅材小昨叨地主遺法向山庖討草
草分一杯饌好博詩好感君見秋風不逐思鱸擾鷺龍
埽盤後詫此偏師搗鬻脣縱弗如齟臂寧遂少斑鯀化
白領怪異著窮島稱鯀繁以鮀類族藉研曉衛鮀字子
魚陳義聽無藐雖欠骨鯁終幸脫鱗甲蚤峽江江水幽
乘興荷烟初問訊到襄陽槎頭片帆鮀秋塘以今春偕
馮冶堂入楚謁

留而秋
塘來蜀

曹秋漁軍中書至卻寄

半生特地逢冬閏十月天爲九月天圃菊叢分黃蝶舞
江楓林對白鷗眠念君北路司戎幕謂我東川醉客筵

報道夔巫風色好稻堆堆徧瀼西邊

水寬

局院鄰故宮久斷鹿廬非無人擔水來呼水準竿影一
竿穴牆腰通透根到頑決澑分涓涓滿溢祇俄頃既解
硯瓦渴亦謝符諭婢借問水所從遠向大江打勺水直
半錢利病亟陳請前守濬十池其七蹟猶同引之俾入
城萬籩飫甘醕奈何斃冤荒涸鮒盡延頸徒使移徙民
賣水飽湯餅寄言買水家水利溥平等願爾菽粟多願
彼衣食求一飲良區區託命佑禾穎

永安宮

康熙二十九年夔守許嗣印
因址築亭在府學明倫堂後

垂創三分國存亡六尺孤赤符謀復漢黃鉞忿貌吳持

敵師偏衄還軍路不紓_{蠶叢懸夢寐魚浦息艱劬象祿}

星躔犯宮深玉几扶儲君宏後勅元老_亟先趨治命彌

留最忠言繼死俱_{蠶靈號地坼鵠血濺春徂}一自歸喪

儼重尋別殿無翠華_{鼯跡鼠珠幃薛痕鋪逝水}長東逕

開門遽北俘聽笳牆隱雉過櫂闕朝烏中道空王業羣

雄祇伯圖結亭存體槩立學改形模下輦魂應戀分香

意孰誅向來伊霍侶主德爲交孚_{黃初四年三月犯天心星四月先主殂}

附同作

姚蘭泉

炎宗末命逢屯數東下寧由孝直亡千里猇亭空轉

戰一宮魚浦兀相望同仇誼視真兄弟顧命言如古

帝王玉殿虛無萊莽合祇今膠序有輝光

甘后墓

后合葬惠陵今墓治望華亭後有后墓元人爲之碑予嘗辨之

海水羣飛日江陵遠遯年英雄輜重棄妃御管微傳繡
褓看終脫金釵喜並全數踰長坂盡運劇下邳適是歲
荊州領新婚破虜連易驚刀婢健應念玉人賢藏骨違
巴地歸魂黯楚天冊稱虛未受輜載耀分編暴室崩差
免鴻溝質未旋佩環聽寂寞綃帳記纏綿魚武偏師返
龍顏不豫延頓教音樂過還具禮儀遷先墓忘之矣庸
兒信有焉沿謫夔壁後劉禹錫有夔州齋恨蜀都前補

獮吳矜寵盤蛇鄰效妍漢家榮后紀萬古慰寒泉

八陣積

絕峽三重險神兵十萬雄畱名森魂礪懸象闕鴻濛作
卦方斯聚披疇次不窮陰陽生太極首尾應當中掩鏃
銅精澀鳴桴石竇通堂堂奇間正屹屹守兼攻聘幣真
王佐傳符始帝功英靈千古在規制一時同數較盤棊
減祥延釵鬚洪力爭猶豫石氣壯永安宮自抱吞吳恨
還殲伐魏躬叢祠霜溜柏域墓雨埋桐結陣從風后成
營及馬隆山川猶遠勢天地祇孤忠極浦晨驚鵠高城
夜起虹劉宗圖錄盡搔首問蒼穹夔志人日踢蹟拾小石條敍爲一歲之瑞

白帝城

閨位扛炎鼎稱兵踵綠林竟看黃綬假還對白鹽臨陞
戟知何處樓築笏思不禁五千精銳練十二識辭淫躍馬
威名震騰龍體勢陰稻田流浩浩柏柱屹森森方幅徒
修飾空倉絕信誰封囂情愈汰刺歛計偏深羸氏剽殘
運成家負士豆日就徵無李業歸命有延岑刻掌文猶在
當胸洞不禁遺隍長赤甲真主本丹心豈足論王霸聊
資鑒古今鵠窠嘲羽鍛魏都賦庸蜀與鵠鵠同窠蛙井喻聲沈望帝
還畱輦詩翁幾聽砧春陵佳氣遠凌眺一開襟

寄題石砫秦將軍貞素廟

石砫於乾隆辛巳改土設流制司治立廟

巾幘開前府麾幢答勝朝身名三史冠儀象八蠻標獄

帶夫難望封遺子待邀一司歸總攝百戰靖紛蕩滅播

威初震平奢氣不驕勤王成遠涉整旅隔危謙今京師外城四

川營爲夫人入日接平臺儀天賡異數昭玉音樓空展

禮金甲幾沈銷大帥聰教瑣渠兇走善趨薦門驚決裂

柱石敢漂搖名竝寧南諱功因逐北超請纓齋夙恨束

箸罷長篲奕代釐官土因堂立廟祧繡裾松影護白桺

蘚痕彫恤緯身終隕夫人以順治戊子終葬會龍山

登壇略倍驍龍山藏骨地端共奏笙簫

越門太守餽鯉魚

江東有巨鱸千斤負雄力連船餌牛犧頓頓慰飽食泊
從京國遊菜市穀馳擊敲冰割片腴評價萬錢直蜀都
號沃瀛章錦配鱗色每譁內穴名薄染景純墨一父得
魚舅驚報二三尺徒看出水爛轉笑清波瘠譽諸培婁
間豈復產松柏夔江江澑汗丫繁集烟積起油分鱠材
到門齒折屐遺膏性所棄茲味美無敵齋橙取芳鮮搗
薑資埽滌骨胞兼肉肥母乃和去熊白步兵思鱸魚棄
官計粗得君退持急流無魚殊不惜地厚物故鍾品奇
嗜乃特爲酌巴鄉清鄉夢遶楓荻

觀蓮花峯放燈用初白集夜觀燒山韻

風定天昏炬細熏。後門前檻爛蒸雲華鬢笑證金蓮害。
鉦鼓疑屯赤甲軍。農耜春畬求化火。經樓雪嶂報延焚。
無端也當湖燈賞。祇起鴉羣少驚羣。

鼈湏行

君不見白鹽赤甲形槩雄。兩厓僵蹇夔門通。崕嶸象馬踞江面。沒以夏漲浮以冬。盤盤圍轉廿餘丈。插底孤根在。龍藏負厚非關瑣碎堆。出奇要作鼎森象李冰鑿。不開秦政鞭不到。昂精聖人乘載初赦爾。東行直下黃陵廟。廟邊發船鼈鼓鳴。冷淚峭落猿三聲。上船筏纜下船。槳峽口未到魂先傾。是時鼈湏狀沈腿颯忽崩濤化平。

地同舟同命心力同汔濟寧關石靈庇今年九月係朽

月宋黃仁傑夔州苦雨詩九月不虛爲朽月

漕漢洞渦悍難制旬來幸遇天

雨霜陽侯退落十丈強木蘭雙櫂信沿弄想見冒花撒
髮紛披猖我歸從陸不從水爾縱彭亨偃蹇如許能我

戕爾且夷爲黑白青黃壤利與瀼屯報豐穰不然結爲

泰華嵩衡山膚寸雲雨沾人寰有人御誦老坡賦謂與

岷江屹一柱江如萬騎盡銳西下來兀遇堅城舍之去

辜醞應酬保障功文章豈抱廻瀾譽

奉節八景有戲瀾

歎歎

乎哉君不見八公天子盜兵革遺廟年深委烟磧惟有

放翁拄杖吟反道丈夫死社稷

赤甲山

青輶徑度青苗阪赤杖高尋赤甲城晚照一天標石色
斷流九地枕江聲自來夔府依秋士孰遺獵亭走漢兵
節候稍遲烏帽落物華還對綠樽傾

瀼西訪少陵祠不得戲成都草堂韻

性褊幽栖合祠遷舊迹沈幾年黃菊淚萬事白鷗心已
蜀居相望暮夔業未任飛濤通細澗簪髮照森森
高齋苦三徙造次輒傾貲江漢迎殘夢乾坤入小詩翠
屏晨闌射錦樹夜尊移藥裹防多病平生國是危
漂泊西南久孤根窟據蛟親朋風斷札猿鳥月窺梢宛

宛辭荒縣依依息近郊受遺宮闈重復此見衡茅
我豈憂時客公非避世翁石門收稻後粉蝶聽笳同峽
抱南鄉闢園遮北崦濛不愁櫨廟冷回首百花叢

寄陸赤南成都

別櫂悠悠信使賒講帷可對白牛車十年貞若隨行李
二月棠梨得坐花劍外幾人求選集尊前無事說思家
夔城落日龜城月分照寒衣水一涯

白帝城明良殿祀先主及諸葛關張三侯殿故

公孫述祠明都御史林俊改祀江神立神馬

伏波爲三功祠今惟江神祀前殿

朝暉淨山郭郭廢跡同雨固辨紫陽城

白帝城

一
名子陽城故夔府治

闢堵今有存者人訛曰紫陽已失白帝廟闢堞存宛然屈步上危嶠

櫺穆槐柳陰水鵠獨哀叫水深山又高控制藉游徼應

論版築功況播藝穫教奈何時會艱黃屋據尊號擬諸

卓與蹠有祠付一燎因地祠三功水土答神勞合饗逮

伏波舉廢誠不料云誰奉先主玉座耿斜照主臣卜同

德將相塑遺貌翻憐井底蛙較異二賊暴陞衛延故人

事事坐虛剽以彼器量盈念此寄託效古今極俯仰予

奪係咷笑隔江指厓樹舟輞入妍妙赤脚袒我旁一角

露崩隋江山壯如此心目交眩掉血食安足論畱連去

毋躁

東灘

灘口微平地山根不斷郵泰倉喧出穀底事艱東屯

菜園沱

少陵新祠

故晉階書院在城東三里江越門改建

半畝叢祠替草堂菜園沱口竹捎牆槎橫南斗江流壯
砧遠東城暮色長老去詩篇芒萬丈生前遷徙債尋常
轉移到底需賢守爲語經儒一辨香

泛濫瀕

江落淫豫高石色肖朽壤子立江中央精銳蓄夔螭舉
頭向南岸如馬脫鞬鞬其北逾獵頑曳尾飼烟漿深飾

羣而之始得儻然往天寒水清瀏入夏變消泮水脈誰爲爲習者戒粗莽老鷹鬱餘怒一撇翅生響仄巘仰懸
擧斷流希撒網且泊下關城陟山抗遐想

秋江雙亭招泛夔峽憩少陵祠

山郭千家挂客牕相招相喚屐停雙曝衣恰趁晴三日
載酒先乘水半江日氣自浮楓葉渡江聲清和竹枝腔
北園西閣成蕭瑟新對龍文萬斛扛

重至永安亭

萬古艱虞地重過閉陘旬映門桑葉盡遼殿菜花新天
數屯三統臣躬對百神江東雄得虎不稱受遺人

望華亭

在夔治後山西十餘步云是甘夫人墓

百磴莎亭壓郡衙槐榆樹老晝翻鴉山籠赤白三千界
瀼帶西東一萬家銅馬有由窺井絡璧人何事葬天涯
神京路比咸京遠瑞日如輪湧望華

相公橋

橋建自明萬歷間下有溪志言寇萊公令巴東時過此畱酌

相公橋遠相公泉在巴東照影臨谿酌偶然解道出山清
見底卻將雙手障潭淵

白鹽山

刺天高幾里嶺半白瀰瀰一氣漫巴郡千秋落杜祠斷
蓬人曳井下壁鳥翻旗未駐劉宗輦蒼茫爾勿思

上滩謡

一里流數灘數里住一飯灘多飯亦多身手自言健船
身劣於馬百指孤纜牽牽船與石關故挂風蒲偏夏行
水底石冬行石根水兀坐上青天何如棧雲裏

晚泊瓷器莊

子月雲安峽孤郵早閉關角聲黃葉外帆影翠微間江
淨三灘陷沙寒兩岸環吏人強半遺蹤跡混漁蠻

拽纜歌

斷竹續竹綾成纜黃蛇盤尾艤暗檣高灘高漢花澹
灘高日低孤燈修千指一繩淘負舟纜懸舟定頑如牛

腰環纜直走差駛一載一鉤石棱絓一夫起絓震呼喝
絓起舟退君勿嗔石公齧纜能鮮人幅帆枝槳江不神

廟基灘

九地深埋石分明水占山祇因山斷路翻怨水程慳
昨夜水落丈今朝水落尺願得落令乾峽底斷行客

舟中望雲陽

高城卻月倚蒼蒼凝望無多望轉遙三老諱言長短路
百靈難借送迎潮江吞爛石枯方吐風長輕帆背卽消
放溜溶溶輸上番西南天地合乘輶

下巖寺

下巖壁如削其上麋聳龜輪囷墜江岸叢石交累基
礎恣目想意境無絕奇適緣沙上飯遂撥巖邊霏巖高
日景短飄落荒城陴危根不著地凹入成匪巖縱橫七
八弓燈火明瑠璃得知混沌初椎鑿工安施蓮臺四禪
天勝果參聞思雖非鍾乳結頗有屈莎披中央裂片棱
燕去龕猶支東偏割丈室齋磬敲僧彌風簾不可挂簾
珠水所爲簾外兒烟戶隔江鳴午雞徘徊顧同遊寒氣
蒼鬚眉指杖亟捨去恐受罡飆發

上巖寺

洞窄庭傾草不芟病僧捫蝨倚枯杉祇緣西受江流早

修得虛名占上巖

彭谿今名小江口

蜿蜒朐腮縣涓灑容毋水一刀非不容寸寸齧石齒入
舟便百骸豈必計遼迤要以情勢論取道姑舍此谿民
墾礲砌斜日散雞豕粗分橡栗甘豈少魚稻美語我行
沂江博望灘可織就陸升梁山山翠晚凝紫使程自有
常垂堂竟何已饒唱君勿喧沙禽下還起

九堆距小江口五里

升庵錄江險堆名漏未輯離堆灘湏堆突兀水心立九
堆真九龍頭角隱馘馘旁踞江南厓一氣併噓吸津淪

仙家園敗破天公笠廣可千步準高亦數仞及如四巷
爲闊如四井爲邑一石聯九堆了不判垣岌天寒狂澗
消迅我拱而揖亂篙點蜂房獨上著黃褶躡腳無寸泥
屐齒睨蒼澗上無惡鳥汙下無餓螭蟄江斐觴百神舍
此坐難給偉哉造化功有咎孰可執自來物性殊何啻
剗燥溼水大堆一空救生船四集

子屬糞塗乙每至不自省識頃錄夔府詩棄其
藁江中戲作

腹糞蒙頭少未能刪塗紛弔剝谿藤他年過鳥輕身字
誰把詩情繹杜陵

信手平沽費手敲淋漓席硯漲難消檢來斷送清流裏
不要江神守大瓢

自奉節六日達萬縣

兩日來程六日還強弓百步彀難彎載分書畫如裝石
坐對雲霞幾息關半世文章遲下水一時賓從銳登山
年來不敢貪風便幸及無風抵渚灣

萬縣山中雨行

踰年息筋力按部順從水下灘旋上灘舟向郭門纓輕
輿如故人別久見輒喜明知岡阜長願及風日美曉發
萬縣城午飯三正里相迎復相送山色淡如此櫟樹紅

欲然橡葉黃半死高梁鬱峩峩劍閣去銜尾

白雲被茅屋屋角炊烟濃烟起雲勢開半露背芙蓉少
焉雲再合烟亦雲是從烟雲互明滅顧盼皆盪胸巖深
景多晦隔手紛濛濛征衣受急響雨點啞來衝不畏衣
上溼悶此泥間蹤卻聞覆夢人笑詰坪泥鬆

山郵無短亭沈縣日應夕記程藉輿丁五里班一易有
時連臂呼直上抗猱迹迹間滑滑泥泥底巉巉石著腳
難豫期寸寸跨鼈脊一尺三四步一步三四尺我生雖
鴻毛未可付蹉跎石戶恩悠然貲沽整蓑屐

蟠龍山飛雲寺西閣觀

曉度分水嶺晝過銀河橋風聲班馬聲夾磴鳴蕭蕭河
無支流水無脈點黛裝鬟媚行客高田細簇猢猻榆冷
壁斜欹莎芻宅屐痕上齒八千丈練影分垂六七匹天
孫織素懸星潢二十八潭翻帝漿玉龍九子開道路鱗
甲各各披光芒三歧五劇滙雙股白日青天打雷鼓溪
靈塞耳寐無覺歷落山農對簾雨我卻怪謫仙人石梁
三晶尋匡君夜郎放浪足跡到江風海月空傳聞我又
笑桑苧氏中冷一勺表揚子甘腴至味茲品茶晚過商
英一知已搖漾長生官驛寒昭蘇更潤郵疇美鳴呼山
頭瀑布如此無石湖推讚詞非訛下樓我欲採龍洞如

席雪花攬清夢

白兔亭

亭在蟠龍山嘉靖壬辰於此置兔巡撫宋渝表進禮部尚書夏言請獻官廟作

頌以進亭有詩碑四皆武臣及副使作

君不見興王繼統拆淫寺大典明倫篤聲議章聖創行
謁廟儀真人待闈朝元祕十年端拱稱太平醞壇如雲
連玉清鳳皇麒麟世安在天佑一兔毛晶瑩野虞羅致
外臺獻瑞應分明玉雞見長秋娛翫事猶可告祖告天
太誣謫臨軒郤賀陽再三大雞炳禮趨趨選毫作頌
導浮汰青詞宰相心所甘是秋彗星犯東井當道狐狸
跡難屏累繫空成四鐵名鴻于城孰扞九邊警幽風亭

柱沒秋烟噴霧匡頭烏闌懸勒名壯士銷聲易不比清

藤表尚傳

晚次梁山桂谿書院

萬峯盤瘞馬一落萬川城候館依山靜人烟傍夕明忠
夔紛割屬范陸迴含情卻問來夫子知德寥寥學易名

寄題雙桂堂

蜀中賜藏經者惟華陽昭覺寺及此

海藏來天上招提萬古名拜山鐘響亂埽石竹陰傾講
拂封人境屠刀軫佛情木犀香近遠滯迹槐雙清

高都嶺

朝餐穿北郭霧凍日初上黃綠梁堰間紫萍碎搖漢宮

程趁農畊九背旋九向攀援入高都種薑接無恙方苦
津梁疲驟覺耳目曠盤盤鷹鶴羣決起如我抗水田沈
芥坳山脈簇蟻擴累朝數上劇邑析半義非創垂天亘
長雲千里費隄防不見浮蘭碑控奇失神王

自新寧境抵達州

谿上羸嫋未成黃瓜塘外捲雙旌逢場笑問烟鬟影
不記峯名記地名

豆山紅豆苦相思雞足無緣禮導師苦竹抽篁擣結子
得知霜信到多時蜀多慈竹謂之苦竹

涼風垭頂細盤螺抖撇羊裘奈甚何百里秋毫都挂眼

與丁祇說是山坡

豕柵牛欄苦草齊斷橋清嘲秀蔬畦塞帷不住瀟瀟雨
看煞烏犍趁一犁

楚鄉香火禹王宮迷過桃源路又通閑道謫仙落詩版
幾人爪指剔苔叢

濃如新釀褪如潮熨貼青羅帶一條短艇不知魚計穩
半裝熟米半薪樵

松明無火乞孤邨磴滑厓高景倍昏搜得怪藤安曲几
爲煩宜樹斂征魂昏夜抵亭子鋪候館瓮斗中有藤一本云其花可以止癰亦名夢花

斗梯難上下逾難倒縕呼號骨節酸我看青山人看我

一瓣還掠水雲寒

達州偶題

盤青遶翠落轎車
樓堞差參卷暮笳
晉魏規模追後漢
雍梁形勢上西巴
賦隨綏貨三農
儉俗傍羆氓百戲譁
交付官師了公事
一枝筇杖要攀爬

石城石鼓奠關河
文獻何存歲月磨
勝蹟斷從長慶始
寓流傳向夜郎
過晴稀雨密天真漏
水下田高土不和
勉識四夷防守義
殊方繼圉壯天戈

川北川東控馭并
文歸察使武歸營
山雄邊障名多陋
江瀉冬槽影倍清
獵炬有人殲餓虎
戰船無事斬神鯨

出羣才調由來少六相區區脫屣輕

通州那必勝江州麋鹿分庖雁鷺秋士氣似騰年大比
民風及采卷長畱治兼守令官多假境幅華戎路孔修
怊悵雪泥鴻印爪石渠如帶促登舟

馬曉蒼司馬餽熊掌

山館客防熊雙蹄一笑巾饌名經訓古舐訣道流同庖
傳鮮難給機張巧竟窮萬錢昂論直齋餐媿匆匆

曉蒼邀過北巖寺尋巖上太白詩版不得

小庭攢四山旬日飫中坐月成城北美星火促校課自
頃文案空東道遣一个甫踰重門限遽撤長戟荷溼泥

停淫淋挺燈下坎河招提壓面迎頭葉寒稍墮麥苗園
斷垣青抹飯籜破創修遡宋明工作幾勞癱一茶話廢
興悼雀響相和喚我探幽旅布穀笑撩沈了無蘿葛攀
差少莓蘚跼渾淪擣怪石萬古受錘剉縛帚埽積陰惡
詩洗則那久涇謫仙碑祇剗法王座是時蒼霧霏江影
練遙臥已封鐵峽奇未攬芝鄉大火雲接冬電猛雨恐
來過主人謂無恐定許晚晴賀歸徑槭槭鳴逝轆悠悠
簸解纜及明晨畱題版傳播

翠屏山尋夏雲亭故址

橫江十二翠屏齊一扇孤撐斗向西宣漢人烟明橘袖

中唐宦蹟隱嵩藜
謫官流淚青山搘
才子聲華紫鸞題
猶有野樵能指說
戛雲終自勝丁寧

龍爪山白塔廢寺

江路擁一環向南境差關山嶺如砥平浮圖卓空植懸厓
飛下轉眼落江北紅成榮斷町人跡間牛跡潭潭
淪溼泥尋枉遇寸道載折登石門門罅影暗黑急跳跳
上頭數頃破巒塞大千見胡甸光明師象負神力霹靂
一角摧頂巔七層積如閣二龍子升降作安宅稍西而
齋廊半復觀古德孤磬暗不鳴壞碑湮無色烟際帆忽
行江練左巾鳥逝矣樂山心邈焉獨吟客

渠江舟次

無霜有瘴是通川
元旦酌詩語未然
揮過戛雲亭下漿
薄陰天變老晴天

尺五寒流染黛低
玻璃不似似瑤瓈
枯桑病栗沙如錦
纔見漁郎曬網時

尖山簇簇帶斜山
冶火紅燒鐵峽頑
細問南昌灘不省
半竿孤鶩落霞間

兩江冬水綠悠悠之字帆廻亞字洲記取蜜羅相名香渡
處一尊遙夜竹枝謳

三酒舍龍母祠

祠粵人所奉

渝水吞渠水如雲笑趁場偶尋龍媧宅卻話蠻人鄉薦
非冬盤盜凝花夜檠長聞歌增銳氣銅鼓應鏘鏘